



Eich cyf/Your ref
Ein cyf/Our ref

Mike Hedges AS, Cadeirydd
Y Pwyllgor Deddfwriaeth, Cyfiawnder a'r Cyfansoddiad

28 Ebrill 2025

Annwyl Mike

Ymrwymadau i gywiro offerynnau statudol

Fel y bydd y Pwyllgor yn gwybod, mae'r Llywodraeth wedi ymrwymo i wella hygyrchedd cyfraith Cymru ac mae hyn yn cynnwys sicrhau bod deddfwriaeth yn hawdd ei deall ac yn sicr ei heffaith. Serch hynny, bydd camgymeriadau yn digwydd weithiau ac mewn achosion o'r fath bydd y Llywodraeth yn ceisio cywiro'r materion hynny pan fo angen. Rydym yn ceisio gwneud hynny gan ddefnyddio'r cyfrwng deddfwriaethol mwyaf priodol sydd ar gael.

I'r perwyl hwnnw, mae gwaith ar y gweill ar ddatblygu'r set gyntaf o offerynnau statudol 'omnibws' a fydd yn gwneud diwygiadau i amrywiol offerynnau cynharach. Ar hyn o bryd rydym yn disgwyl i'r rhain fod ar ffurf un set o Reoliadau a Gorchymyn ar wahân, y ddau yn ddarostyngedig i'r weithdrefn "negyddol". Y bwriad presennol yw y bydd yr offerynnau hyn yn cael eu gosod gerbron y Senedd cyn toriad yr haf. Bydd y ddau offeryn yn bodloni nifer o'r ymrwymadau yn y tabl sydd wedi'i atodi i'ch llythyr dyddiedig 16 Ionawr, yn ogystal â diwygio rhai mân faterion eraill y byddai'n briodol ymdrin â nhw ar yr un pryd. Mae rhai o'r offerynnau a restrir yn eich atodiad eisoes wedi'u datrys neu byddant yn cael eu trin gan offerynnau diwygio eraill.

Rwy'n nodi bod y Pwyllgor yn ceisio diweddarau ei ddadansoddiad o ymrwymadau yn rheolaidd, felly rwy'n amgáu atodiad sy'n rhoi diweddariad ar y materion yn eich tabl, i'ch cynorthwyo â hynny. Byddwch yn ymwybodol bod cynnwys unrhyw fater yn un o'r offerynnau statudol omnibws yn ddibynnol ar benderfyniadau terfynol y Gweinidog. Fodd bynnag, mae'r tablau atodedig yn cynrychioli ein cynigion cyfredol.

Canolfan Cyswllt Cyntaf / First Point of Contact Centre:
0300 0604400

Bae Caerdydd • Cardiff Bay
Caerdydd • Cardiff
CF99 1SN

Gohebiaeth.Cwnsler.Cyffredinol@llyw.cymru
correspondence.Counsel.General@gov.wales

Rydym yn croesawu derbyn gohebiaeth yn Gymraeg. Byddwn yn ateb gohebiaeth a dderbynnir yn Gymraeg yn Gymraeg ac ni fydd gohebu yn Gymraeg yn arwain at oedi.

We welcome receiving correspondence in Welsh. Any correspondence received in Welsh will be answered in Welsh and corresponding in Welsh will not lead to a delay in responding.

Yn gywir,

A handwritten signature in blue ink that reads "Julie James". The script is cursive and fluid, with the first name "Julie" and the last name "James" written in a single continuous line.

Julie James AS/MS

Y Cwnsler Cyffredinol a'r Gweinidog Cyflawni
Counsel General and Minister for Delivery

ATODIAD

Tabl 1 – Diweddariad ar yr offerynnau a nodir yn yr Atodiad i lythyr y Pwyllgor dyddiedig 16 Ionawr 2025

Mater	Rhif yr OS	Enw'r offeryn	Diweddariad
1	OS 2022/1348	Rheoliadau'r Fasnach mewn Anifeiliaid a Chynhyrchion Perthynol (Diwygio a Swyddogaethau Deddfwriaethol) ac Iechyd Anifeiliaid (Diwygiadau Amrywiol) (Cymru) (Ymadael â'r UE) 2022	Yn unol â llythyr y Dirprwy Brif Weinidog dyddiedig 18 Hydref 2024, gwnaed y cywiriad ar gyfer pwynt adrodd 25 yng Ngorchymyn y Fasnach mewn Anifeiliaid a Chynhyrchion Perthynol (Diwygio a Swyddogaethau Deddfwriaethol) ac Iechyd Anifeiliaid (Diwygiadau Amrywiol) (Cymru) (Ymadael â'r UE) (Diwygio) 2025 (OS 2025/403). Gwnaed y Gorchymyn hwnnw ar 27 Mawrth 2025.
2	OS 2023/1303	Rheoliadau'r Proffesiwn Rheolaeth Adeiladu (Taliadau) (Cymru) 2023	Mae'r Llywodraeth yn bwriadu ymdrin â phwynt adrodd 3 yn un o'r offerynnau diwygio omnibws.
3	OS 2023/1349	Rheoliadau Addysg (Cyllid Myfyrwyr) (Diwygiadau Amrywiol) (Rhif 3) (Cymru) 2023	Cafodd y camgymeriadau eu cywiro gan Reoliadau Addysg (Cyllid Myfyrwyr) (Diwygiadau Amrywiol) (Cymru) 2025 (OS 2025/16) a wnaed ar 8 Ionawr 2025.
4	OS 2023/1421	Rheoliadau'r Gwasanaeth Iechyd Gwladol (Contractau Gwasanaethau Meddygol Cyffredinol) (Cymru) (Diwygio) 2023	Mae'r Llywodraeth yn bwriadu ymdrin â phwyntiau adrodd 5 i 8 ynghyd â diwygiadau i Reoliadau 2023 yn dilyn trafodaethau contract yn ystod 2024/25; caiff yr offeryn hwn ei gyflwyno yn ystod y misoedd nesaf ac felly ni fydd y diwygiadau hyn yn rhan o'r naill neu'r llall o'r offerynnau diwygio omnibws.
5	OS 2024/13	Gorchymyn Cynlluniau Pensiwn a Chynllun Digolledu'r Diffoddwyr Tân (Diwygio) (Cymru) 2024	Fel y nodwyd gan y Pwyllgor, mae'r rhain wedi eu diwygio (gweler: OS 2024/792).
6	OS 2024/28	Rheoliadau Ysgolion Annibynnol (Gwaharddiad ar Gymryd Rhan mewn Rheoli) (Cymru) 2024	Mae'r Llywodraeth yn bwriadu ymdrin â phwynt adrodd 1 yn un o'r offerynnau diwygio omnibws.
7	OS 2024/119	Rheoliadau Rheolaethau Swyddogol (Mewnforio Bwyd a Bwyd Anifeiliaid Risg Uchel Nad Ydynt yn Dod o Anifeiliaid) (Diwygio Rheoliad	Fel y nodwyd gan y Pwyllgor, mae'r rhain wedi eu diwygio (gweler: OS 2024/1214).

Mater	Rhif yr OS	Enw'r offeryn	Diweddariad
		Gweithredu'r Comisiwn (EU) 2019/1793) (Rhif 2) (Cymru) 2024	
8	OS 2024/135	Rheoliadau Cyd-bwyllgor Comisiynu Gwasanaeth Iechyd Gwladol (Cymru) 2024	Mae'r Llywodraeth yn bwriadu ymdrin â phwyntiau adrodd 2, 4, 5 a 6 yn un o'r offerynnau diwygio omnibws.
9	OS 2024/388	Rheoliadau Gwasanaethau Preswyl Ysgolion Arbennig (Darparwyr Gwasanaethau ac Unigolion Cyfrifol) (Cymru) 2024	Yn unol â'r ymateb gwreiddiol i'r Pwyllgor, mae'r Llywodraeth bellach wedi adolygu'r angen i wneud diwygiad i Reoliadau 2024 i ymdrin â phwynt adrodd 3. Ni fyddai'n briodol newid y geiriad gan y byddai hyn yn creu gwahaniaeth annymunol gyda'r un geiriad a ddefnyddir mewn pum set arall o Reoliadau. Ni fydd unrhyw gamau pellach yn cael eu cymryd felly.
10	OS 2024/316	Rheoliadau Addysg (Gwahardd Disgyblion ac Apelau) (Unedau Cyfeirio Disgyblion) (Cymru) (Diwygio) 2024	Fel y nodwyd yn llythyr Ysgrifennydd y Cabinet dros Addysg at y Pwyllgor dyddiedig 29 Ionawr 2025, bwriedir ymdrin â phwynt adrodd 3 i OS 2024/316 drwy ddiwygio Rheoliadau Addysg (Gwahardd Disgyblion ac Apelau) (Ysgolion a Gynhelir) (Cymru) 2023 (OS 2003/3227) a Rheoliadau Addysg (Gwahardd Disgyblion ac Apelau) (Unedau Cyfeirio Disgyblion) (Cymru) 2003 (OS 2003/3246). Caiff rhain eu gwneud yn un o'r offerynnau diwygio omnibws. Yn y dyfodol byddwn yn diweddarau ar sail OS 2003/3227ac OS 2003/3246yn hytrach nag OS 2024/316.
11	OS 2024/339	Rheoliadau Cynlluniau Effeithlonrwydd Ynni Cartref (Cymru) (Diwygio) 2024	Mae'r Llywodraeth yn bwriadu ymdrin â phwynt adrodd 2 ar OS 2024/339 drwy wneud diwygiadau i Rheoliadau Cynlluniau Effeithlonrwydd Ynni Cartref (Cymru) 2011 (OS 2011/656). Bydd hyn yn cael ei fwrw ymlaen yn un o'r offerynnau diwygio omnibws. Bydd diweddariadau yn y dyfodol yn cael eu gwneud yn erbyn OS 2011/656 nid OS 2024/339.
12	OS 2024/698	Rheoliadau Addysg (Cydlynu Trefniadau Derbyn Ysgolion a Diwygiadau Amrywiol) (Cymru) 2024	Fel y nodwyd gan y Pwyllgor, mae'r rhain wedi eu diwygio (gweler: OS 2024/1002).

Mater	Rhif yr OS	Enw'r offeryn	Diweddariad
13	OS 2024/782	Rheoliadau Caffael (Cymru) 2024	Gwnaed y diwygiadau i Reoliadau 2024 gan Reoliadau Caffael (Diwygiadau Amrywiol) (Cymru) 2025 (OS 2025/181) (a gweler Tabl 2 isod hefyd).
14	OS 2024/767	Gorchymyn Rheoli a Thrwyddedu Pysgota am Gocos (Ardal Benodedig) (Cymru) 2024	Mewn perthynas â phwyntiau adrodd 3, 5, 7, 10, 11, 14, 15, 16, a 17, bwriad gwreiddiol y Llywodraeth oedd cyflwyno diwygiadau yng ngwanwyn 2025. Y bwriad yn awr yw ymdrin â'r materion hyn yn un o'r offerynnau diwygio omnibws.
15	OS 2024/774	Rheoliadau'r Gwasanaeth Iechyd Gwladol (Contractau Gwasanaethau Meddygol Cyffredinol) (Rhagnodi Cyffuriau Etc.) (Cymru) (Diwygio) (Rhif 2) 2024	Fel y nodwyd gan y Pwyllgor, mae'r rhain wedi eu diwygio (gweler: OS 2024/1065).
16	OS 2024/797	Rheoliadau Tenantiaethau Amaethyddol (Ceisiadau am Gydsyniad y Landlord neu Amrywio Telerau) (Cymru) 2024	Mae'r Llywodraeth wedi ymdrin â phwyntiau adrodd 3, 5, 6 a 7 yn Rheoliadau Tenantiaethau Amaethyddol (Ceisiadau am Gydsyniad y Landlord neu Amrywio Telerau) (Cymru) (Diwygio) 2025 (OS 2025/230) a wnaed ar 27 Chwefror 2025.
17	OS 2024/810	Rheoliadau Addysg (Cyllid Myfyrwyr) (Diwygiadau Amrywiol) (Cymru) 2024	Mae'r Llywodraeth wedi ymdrin â phwyntiau adrodd 1 a 4 yn Rheoliadau Addysg (Cyllid Myfyrwyr) (Symiau) (Diwygiadau Amrywiol) (Cymru) 2025 (OS 2025/193) a wnaed ar 19 Chwefror 2025.
18	OS 2024/930	Rheoliadau Adeiladau Rhestredig ac Ardaloedd Cadwraeth (Gweithdrefn a Chyfradd Llog) (Cymru) 2024	Fel y nodwyd gan y Pwyllgor, mae'r rhain wedi eu diwygio (gweler: OS 2024/1258)
19	OS 2024/924	Rheoliadau Deddf yr Amgylchedd Hanesyddol (Cymru) 2023 (Darpariaeth Ganlyniadol) (Is-ddeddfwriaeth) 2024	
20	OS 2024/1045	Rheoliadau Honiadau am Faethiad ac Iechyd (Cymru) (Diwygio) 2024	Mewn perthynas â phwyntiau adrodd 2, 3, 4, 5 a 6 bwriad gwreiddiol y Llywodraeth oedd cyflwyno diwygiadau

Mater	Rhif yr OS	Enw'r offeryn	Diweddariad
			yn fuan yn 2025, ac rydym yn cadarnhau yn awr yr ymdrinnir â'r rhain yn un o'r offerynnau diwygio omnibws.
21	OS 2024/1109	Gorchymyn Iechyd Anifeiliaid (Ffioedd Amrywiol) (Diwygio a Dirymu) (Cymru) 2024	Mae'r Llywodraeth yn bwriadu ymdrin â phwynt adrodd 1 ar OS 2024/1109 drwy wneud diwygiadau i Orchymyn Crynadau Anifeiliaid (Ffioedd) (Cymru) 2018 (OS 2018/645). Bydd hyn yn cael ei fwrw ymlaen yn un o'r offerynnau diwygio omnibws. Bydd diweddariadau yn y dyfodol yn cael eu gwneud yn erbyn OS 2018/645 nid OS 2024/1109

Tabl 2 – Materion ychwanegol

	Rhif yr OS	Enw'r offeryn	Diweddariad
1.	2015/1844	Rheoliadau Gofal a Chymorth (Asesiad Ariannol) (Cymru) 2015	Mae ymateb y Llywodraeth i adroddiad y Pwyllgor ar Reoliadau Gofal a Chymorth (Gosod Ffioedd) ac (Asesiad Ariannol) (Cymru) (Diwygiadau Amrywiol) 2025 (OS 2025/151) yn nodi y gwneir diwygiad i OS 2015/1844. Caiff hwn ei gynnwys yn yr offeryn diwygio omnibws.
2.	2023/1393	Rheoliadau Adnoddau Dŵr (Rheoli Llygredd Amaethyddol) (Cymru) (Diwygio) (Rhif 4) 2023	Roedd ymateb y Llywodraeth i adroddiad y Pwyllgor yn nodi y byddem yn gofyn am slip cywiro i ymdrin â phwynt adrodd 3. Ymdrinnir â hwn yn un o'r offerynnau diwygio omnibws drwy ddiwygio Rheoliadau Adnoddau Dŵr (Rheoli Llygredd Amaethyddol) (Cymru) 2021 (OS 2021/77). Bydd diweddariadau yn y dyfodol yn cael eu gwneud yn erbyn OS 2011/656 nid OS 2024/339..
3.	2025/88	Rheoliadau Bara a Blawd (Cymru) 2025	Mae ymateb y Llywodraeth i adroddiad drafft y Pwyllgor ar y Rheoliadau hyn wedi cadarnhau y caiff un o'r offerynnau diwygio omnibws ei ddefnyddio i ymdrin â phwyntiau adrodd 1, 3, 4 a 5
4.	2025/181	Rheoliadau Caffael (Diwygiadau Amrywiol) (Cymru) 2025	Mae'r Llywodraeth wedi rhoi gwybod i'r Pwyllgor ei bod yn bwriadu diwygio Rheoliadau 2025 i ymdrin â phwynt adrodd 1 fel rhan o reoliadau pellach i orffen gweithredu Deddf Caffael 2023. Dyma fwriad y Llywodraeth o hyd, ac felly

	Rhif yr OS	Enw'r offeryn	Diweddariad
			ni fydd hyn yn rhan o'r naill neu'r llall o'r offerynnau diwygio omnibws.
5.	-	Rheoliadau'r Platfform Gwybodaeth am Etholiadau Cymreig 2025	Mae ymateb y Llywodraeth i adroddiad y Pwyllgor yn nodi y caiff diwygiad ei wneud i'r Rheoliadau hyn (mewn perthynas â phwynt adrodd technegol 1) pan gaiff Gorchymyn Senedd Cymru (Cynrychiolaeth y Bobl) 2025 ("y gorchymyn cynnal etholiadau") ei wneud yn ddiweddarach eleni.
6.	-	"Rheoliadau amgylchedd bwyd iach"	Roedd llythyr y Pwyllgor dyddiedig 16 Ionawr yn cynnwys cyfeiriad at lythyr y Llywodraeth dyddiedig 1 Gorffennaf 2024, a oedd yn egluro ein bwriad i osod Rheoliadau cyn diwedd 2024 ac i fod cyfnod gweithredu o 12 mis cyn i'r rheoliadau ddod i rym. Gosodwyd Rheoliadau Bwyd (Hyrwyddo a Chyflwyno) (Cymru) 2025 ar 11 Chwefror 2025 a bydd y Senedd yn eu hystyried ar 25 Mawrth. 26 Mawrth 2026 yw'r dyddiad dod i rym arfaethedig. ac i fod cyfnod gweithredu o 12 mis cyn i'r rheoliadau ddod i rym. Gosodwyd Rheoliadau Bwyd (Hyrwyddo a Chyflwyno) (Cymru) 2025 ar 11 Chwefror a'u cymeradwyo gan y Senedd ar 25 Mawrth. Y dyddiad arfaethedig i ddod i rym yw 26 Mawrth 2026.